

GOJRI NEWS BULLETIN 05 MAR 2026 1700 HRS

اوننگ گوجری نیوز بولٹن 05 مارچ 2026

یوہ آکاشوانی جموں ہے عبدالرحمان تے نصرت تیں خبر سٹو۔

HEADLINES

- ۱۔ وزیر اعلیٰ عمر عبداللہ نے اج شیر کشمیر یونیورسٹی یعنی سکاسٹ جموں مانہہ جے کے سی آئی پی غے تحت سٹارٹ اپ رسائی پروگرام مانہہ شرکت کی۔
- ۲۔ فوج مانہہ پورٹر کمپنی واسطے پرتھی مہم مانہہ 800 پورٹر پرتھی کیا جئیں گا۔
- ۳۔ جموں ڈویزن غی شمالی ریلوے پہلی واری نایاب چڑیا گہر غا جانوران نانہہ جموں تیں چنی توڑی کامیابی غے نال ، ریلوے گڈی غے ذریعے منتقل کیو گیو جس مانہہ مانہہ 2 چیتا جیسی بلی، تے 2 کالا بالو شامل تھا۔
- ۴۔ جموں کشمیر سکولی تعلیم بورڈ نے 9 ویں تیں 12 ویں ، جماعت توڑی نصاب غا بارا مانہہ ایک نوٹفکیشن جاری کیو ہے۔
- ۵۔ آئی سی سی ٹی 20 مردان غا عالمی کپ ، غو اج دوجو سیمی فائنل مقابلو کھیڈیو جے غو۔ اس کھیڈ مانہہ بھارت غو مقابلو انگلینڈ غے نال وے غو۔

CM JKCIP

وزیر اعلیٰ عمر عبداللہ نے اج ذراعت سائنس وٹیکنالوجی بارے شیر کشمیر یونیورسٹی یعنی سکاسٹ جموں مانہہ جے کے سی آئی پی غے تحت سٹارٹ اپ رسائی پروگرام مانہہ شرکت کی۔ جت انہاں نے طلبہ نوجوان کاروباری افراد تے کسان پیداواری تنظیمان غا نمائنداں سنگ بات چیت کی۔ اس موقع ور لوکاں گا اجتماع سنگ خطاب کرتا واں وزیر اعلیٰ نے زور دتو جے نوجوانان نانہہ صرف ملازمت تلاش کرن آلا نی بلکہ ملازمت پیدا کرن آلا بننو چاہیے تے انہاں نانہہ پائیداد کاروبار واسطے جدت تے کاروباری صلاحیتاں نانہہ بروے کار لیاں غی ترغیب دتی۔ انہاں نے کہیو جے جموں کشمیر مانہہ زراعت تے اس سنگ منسلک شعباں مانہہ بے پناہ صلاحیت موجود ہیں تے جے کے سی آئی پی جیسا اقدامات جدت تے نواں کاروبار واسطے ایک مضبوط سٹارٹ اپ ماحولیاتی نظام نانہہ فروغ دین مانہہ اہم کردار ادعا کر رہیا ہیں۔ اس موقع ور بولتا واں انہاں نے مزید اس طرح کہیو۔۔۔۔۔ وزیر اعلیٰ نے اسٹارٹ اپس تے زراعت غے متعلق اشاعتاں غی نقاب کشائی کی۔ نمایاں سٹارٹ اپس تے کسان پیداواری تنظیمان نانہہ مبارک باد دتی۔ تے جموں کشمیر پھر مانہہ 808 کسان خدمت کھراں غو ای آغاز کیو۔

CM MEETING

وزیر اعلیٰ عمر عبداللہ نے اج ایک میٹنگ غی صدارت کی۔ جس مانہہ جموں کشمیر مانہہ ہنر مندی غا نظام نانہہ مضبوط بنان تے نوجوانان واسطے روزگار غا مواقع بدھان غا مقصد سنگ ہنر ترقیات بارے مربوط عملی منصوبہ غو جائیزو لیو گیو۔ میٹنگ مانہہ اس گل ور غور کیو گیو جے ہنر مندی غی ترقی نانہہ تعلیمی نظام غے سنگ کس طرح مربوط کیو جے صنعت کاری روابطہ نانہہ مضبوط بنايو

جے تکنیکی تے قلیل مدتی تربیتی مانہ روزگار تے کاروباری موقعان واسطے
پائیداد دستہ پیدا کیا جئیں۔

ARMY RECRUITMENT PORTERS

فوج مانہ پورٹر کمپنی واسطے پرتھی مہم 12 مارچ تیں شروع وے گی۔ اس مہم
مانہ 800 پورٹر پرتھی کیا جئیں گا۔ آکاشوانی جموں غا نمائندہ غے مطابق، 600
پورٹرز تے 200 ریزرو پورٹرز غے پرتھی واسطے ریلی راجوری تے پونچھ ضلعان
غا 7 بریگیڈ غا صدر دفتر مانہ 12 مارچ تیں 19 مارچ توڑی منعقد ویں گا۔ پرتھی
غو نظام اس طرح وے غو۔ 12 تے 13 مارچ نانہ پونچھ تے راجوری، 14 تے 15
مارچ نانہ بالنوی تے نوشہرہ، 16 تے 17 مارچ نانہ بہیم بر گلی، 18 تے 19 مارچ
نانہ مینڈھر تے منجاکوٹ۔ درخواست دین آلا امیدوار بھارت غا شہری ہونا چاہیے،
طبی طور ور صحت مند تے عمر 18 تیں 40 سال غے بشکار ہونی چاہیے۔

ZOO ANIMALS

جموں ڈویزن غے شمالی ریلوے نے ایک ہور اہم کامیابی حاصل کی ہے۔ پہلی
واری نایاب چڑیا گہر غا جانوران نانہ جموں تیں چنٹی توڑی کامیابی غے نال،
ریلوے گڈی غے ذریعے منتقل کیو گیو ہے۔ آکاشوانی جموں غا نمائندہ غے مطابق
ریلوے غے تاریخ مانہ پہلی واری نایاب جانور جموں تیں ایم جی۔ آر چنٹی توڑی
لما فاصلہ ور دیل گڈی غے ذریعے پُجایا گیا ہیں۔ 3 مارچ نانہ پھیجیا گیا
جانوران مانہ 2 چیتا جیسی بلی، تے 2 کالا بالو شامل تھا۔ جموں ریلوے ڈویزن غا
عوامی رابطہ انسپکٹر رگویندر سنگھ نے دسیو کہ یہ جانور سڑک غا مقابلہ مانہ
کھٹ وقت مانہ چنٹی پُج گیا ہیں۔

POSHAN REASI

آئی۔سی۔ڈی۔ ایس یعنی بچاں غے ترقی تے نگہداشت غا سرکاری محکمہ نے ضلع
ریاسی مانہ پویشن 2 عشریہ صفر پروگرام شروع کیو ہے۔ اس پروگرام غو مقصد
بچاں مانہ غذائی کمی نانہ کھٹ کرنو، تے خواتین، نوجوان ماواں غے صحت
تے غذائیت نانہ بہتر بنانو ہے۔ اس مہم غے تحت ریاسی ضلع غا ارناس علاقہ
مانہ ایک خاص مرکز قائم کیو گیو ہے۔ اس مرکز مانہ لوکاں نانہ غذائی مدد،
تے آگاہی فراہم کی جے گی۔ یوہ پروگرام خاص طور ور بچاں، حاملہ خواتین تے
دودھ پلان آلی ماواں نانہ بہتر غذائیت فراہم کرن ور توجو دے۔ اس واسطے بکھ
بکھ خدمات تے لوکاں غے شمولیت تیں کم کیو جارہیو ہے۔ اس بارے مزید
جانکاری دیتا وان بچاں غے ترقی بارے افسر سریندر کور نے اس طرح

کہیو۔۔۔۔۔

JK BOSE SYLLABUS

جموں کشمیر سکولی تعلیم بورڈ نے 9 ویں تیں 12 ویں، جماعت توڑی نصاب غا بارا
مانہ ایک نوٹفکیشن جاری کیو ہے۔ اس نوٹفکیشن غے مطابق کشمیر صوبہ تے
جموں صوبہ غا سرمائی زون مانہ تعلیمی سال 2025-26 واسطے 9 ویں تے 10 ویں
جماعت غا نصاب مانہ کوئی تبدیلی نی ہے۔ اسی طرح جموں صوبہ غا گرمائی

زون مانہہ تعلیمی سال 2026-27 واسطے وی 9ویں تے 10ویں جماعت غو نصاب پہلاں جیسو ہی ہے۔ البتہ بورڈ نے دسیو ہے کہ 11ویں تے 12ویں جماعت غا گجھ مضامین غا نصاب مانہہ تھوڑی بہت تبدیلی کی گئی ہے۔

JK CRICKETERS JAY SHAH

آئی سی سی غا چئیرمین جے شاہ نے جموں کشمیر غی کرکٹ ٹیم غا کھیڈاریاں تیں ملاقات کی۔ یاه ملاقات ، جموں کشمیر ٹیم غی تاریخی جیت تیں بعد ہوئی جد جموں کشمیر ٹیم نے 28 فروری نانہہ پہلی کرکٹ میدان مانہہ 8 مرتبہ جتن آلی کرناٹک ٹیم نانہہ ہرا غے پہلی واری رانجی ٹرافی غا خطاب نانہہ اپنو ناں کیوجیت تیں بعد کھیڈاری، جے شاہ سنگ ملنو چاویں تھا تانجے وہ اُن غو شکریو ادا کرسکیں ، کیونجے بی۔سی۔سی۔آئی غا سیکرٹری غا طور ور اُن غا خطہ مانہہ دورو کرکٹ نانہہ مضبوط بنان مانہہ اہم کردار ادا کیوی۔سی۔سی۔آئی غی ٹیم نے جموں کشمیر غی ٹیم نانہہ مبارک باد پیش کی۔ سماجی میڈیا ایکس ور اپنا ایک پیغام مانہہ بی۔سی۔سی۔آئی نے ک جموں کشمیر ٹیم تے کرکٹ برادری نانہہ مبارک باد پیش کی۔

DIKSHANT FELICITATION

اسے دوران ، ادھمپور غا رہن آلا تے حال ہی مانہہ ختم ہون آلی رانجی ٹرافی مانہہ شاندار کارکردگی دسن آلا ، دکشانت گنڈل نانہہ پریس کلب ادھمپور نے اعزاز سنگ نوازپور گئیو پریس کلب ادھمپور غا صدر سمیت شرما ، نائیب صدر آشیش دت تے دیگر اراکین ، جن مانہہ اچن دوہے ، سورو ، انکت ، گگن ، ارون ، آفتاب ، تے نریش شامل تھا۔ سارا غو پریس کلب غا دفتر مانہہ گرم جوشی سنگ استقبال کیو گیو تے اُن غی شاندار کارکردگی ور مبارک باد پیش کی۔ یاه تایخی جیت جموں کشمیر کرکٹ واسطے ایک اہم سنگ میل ثابت ہوئی تے اس غے نال 66 سال غو انتظار ختم ہو گیو۔ بعد مانہہ شہر غی کئی تنظیمان نے کھیڈاریاں نانہہ اعزاز سنگ نوازپور۔ آکاشوانی گا خیراں آلا شعوبہ سنگ گل کرتا واں رانجی کھیڈاری دکشت گنڈل نے اس طرح کہیو۔-----

T20 WC

آئی۔سی۔سی۔ ٹی 20 مرداں غا عالمی کپ ، غو اچ دوجو سیمی فائنل مقابلو کھیڈیو جے غو۔ اس کھیڈ مانہہ بھارت غو مقابلو انگلینڈ غے نال وے غو۔ یوہ مقابلو ممبئی غا وانکھڈے سٹیڈیم مانہہ بھارتی وقت غے مطابق شام 7 بجے کھیڈیو جے غو۔ سیمی فائنل تیں پہلاں گزشتہ روز نیوزی لینڈ نے جنوبی افریقہ غی ٹیم نانہہ 9 وکٹاں تیں ہرایو تھو۔ نیوزی لینڈ گا کھیڈاری فن ایلن نے شاندار سنچری بنا غے ٹیم نانہہ جتایو تھو۔ جنوبی افریقہ نے پہلاں بلے بازی کرتا واں 170 دوڑ غو ہدف دتو تھو ، جس نانہہ نیوزی لینڈ نے 12.5 اورڈ مانہہ صرف ایک وکٹ گوا غے حاصل کیو تھو۔

CRPF RECRUIT TRNG

